



MARKAÐURINN

Sögurnar... tölurnar... fólkíð...

Parf prentun?
Vistvæna prentun?
GUDJÓNÓ
VISTVÆN PRENTSMÍÐJA
Sími 511 1234 • www.gudjono.is

Miðvikudagur 8. september 2010 - 9. tölublað - 6. árgangur

Veffang: visir.is - Sími: 512 5000 **visir**

Ný ferðaskrifstofa

Kreppa hefur minni áhrif á ferðir stúdenta

2



Skilanefndirnar

Eru þær ríki í ríkinu?



4-5

Japanskur prófessor

Vill landið úr höndum hagsmunahópa



Átta milljarða hagnaður í ár

Íslandsbanki hagnaðist um 8,3 milljarða króna á fyrri hluta þessa árs samkvæmt uppgjöri bankans. Hreinar vaxtatekjur voru 20,3 milljarðar og þóknatekjur námu 3,3 milljörðum. Heildareign Íslandsbanka var 700 milljarðar og af því eru 100 milljarðar eigið fé bankans.

Birna Einarsdóttir bankastjóri segir Íslandsbanka geta komið í auknum mæli að fjármögnun atvinnulífsins. Úttekt sýni að ef öll lán í erlendri mynt yrðu dæmd ólögleg gæti höggið orðið mikið en að eiginfjárlutfall yrði þó yfir 12 prósentum og þar með vel yfir lögbundnu lágmarki. Sú niðurstaða myndi þó skerða verulega möguleika bankans til að þjónusta heimili og fyrirtæki.

- gar

Gulleggið að klekjast út

Stoðtækjaframleiðandinn Össur er gullegg sem er í þann mund að klekjast út samkvæmt úttekt danska viðskiptablaðsins Börsen.

Fram kemur að Össur hafi hrist af sér kreppuna á Íslandi eftir árangursríkt ár sem skráð félag í kauphöllinni í Kaupmannahöfn. Fjárhagsstaða Össurar sé mjög sterk og nú standi félagið á tímamótum sem gæti gert stöðuna enn betri. Á því ári sem liðið er frá skráningunni í Kaupmannahöfn hafa hlutir í Össuri hækkað um 80 prósent.

- fri

HELST Í ÚTLÖNDUM

Áfram við núllið Seðlabanki Japans hefur ákveðið að halda stýrivöxtum áfram við núllið, eða í 0,1 prósent. Vextirnir hafa ekki breyst síðan í desember 2008. Með þessu er ákveðið að bregðast ekki við, þótt jenið sé óþægilega sterkt og tefji að efnahagslífið nái sér aftur á strik.



Obama vill skattaafslátt Barack Obama Bandaríkjaforseti hvetur Bandaríkjaþing til að samþykkja lög um að fyrirtæki fái verulegan afslátt á sköttum ef þau afskrifa allar fjárfestingar sínar. Obama vonar að þetta verði til þess að koma efnahagslífinu af stað.

Björguðust fyrir horn Fasteigna- og hótelfyrirtækið Dubai Holding hefur fengið nærri veggja mánaða frest til að greiða 555 milljóna dala lán meðan furstadæmið í Dúbaí reynir að vinna sig út úr skuldavanda. Fyrirtækið er í ríkis-eigu og skuldir vegna gríðarmikilla bygginga og fjárfestinga á vegum þess vega þyngst í skuldabagga ríkisins.



Lánin öll kosta sextán milljarða króna

Helmingur lána frá AGS og Norðurlöndunum hefur skilað sér og þriðjungur láns frá Póllandi. Færeyjalánið er fullnýtt.

Jón Aðalsteinn Bergsveinsson
skrifar

Seðlabankinn áætlað vaxtakostnaður við lánin sem tekin voru í tengslum við efnahagsáætlun Alþjóðagjaldeyrissjóðsins nemi 104 milljónum evra, jafnvirði sextán milljarða króna,



MÁR
GUDMUNDSSON

á ári verði þau öll nýtt. Lánin mynda gjald-eyrisforða Seðlabankans. Áætlaður vaxtakostnaður af þeim lánunum sem þegar hefur verið dregið á nemur 41 milljón evra, jafnvirði átta milljarða króna. Það jafngildir 0,5 prósentum af vergrí landsframleiðslu. Þetta kemur fram í svari Seðlabankans við fyrirspurn Fréttablaðsins á síðasta vaxtaákvörðunarfundum bankans.

Helmingur lána frá AGS og Norðurlöndunum hefur nú skilað sér og þriðjungur láns frá Póllandi. Allt lán Færeyinga hefur verið nýtt.

KOSTNAÐUR VEGNA LÁNA STJÓRNVALDA

Miðað við núverandi ádrátt				
	Upphæð (í millj.)	Mynt	Vextir	Kostnaður í millj. evra
Alþjóðagjaldeyrissjóðurinn	770	SDR	2,3%	21
Norðurlöndin	887	EUR	3,3%	29
Pólland	210	PLN	2,0%	1
Færeyjar	300	DKK	1,0%	0,4
Samtals				51 milljónir evra
Í ísl. krónum				8,0 milljarðar
Miðað við fullan ádrátt				
Alþjóðagjaldeyrissjóðurinn	1.400	SDR	2,6%	43
Norðurlöndin	1.775	EUR	3,3%	58
Pólland	630	PLN	2,0%	3
Færeyjar	300	DKK	1,0%	0,4
Samtals				104 milljónir evra
Í ísl. krónum				16,0 milljarðar

Heimild: Seðlabanki Íslands

Í svari Seðlabankans kemur fram að gjaldeyrissvaraförðinn gegni mikilvægu hlutverki. Hann þurfi að vera nægur til að tryggja greiðslugetu ríkissjóðs, stuðla að stöðugleika á gjaldeyrismarkaði auk þess sem öflugur forði geti lækkað áhættuálag á

vexti sem innlendum fyrirtækjum bjóðast erlendis.

Þá bendir bankinn á að forðinn hafi nýst til kaupa á úti-standandi skuldum ríkissjóðs á hagstæðum kjörum og í raun lækkað lánsfjáarkostnað ríkissjóðs.

Alla daga, allt árið

Þekking okkar og reynsla nýtist viðskiptavinum okkar á hverjum degi, allan sólarhringinn.

Borgun býður m.a.:

- Eitt uppgjör, allt á einum stað
- Allar gerðir posa á hagstæðum kjörum
- Öruggar lausnir fyrir vefverslanir
- Skilvirka leið við innheimtu boðgreiðslna
- Notendavæna þjónustuvefi

Hafðu samband í 560 1600 eða fyrirtaeki@borgun.is og kynntu þér málið.

BORGUN
AÚDVELDAR VIÐSKIPTI

Ármúla 30 • 108 Reykjavík
Sími 560 1600 • www.borgun.is




Duke Nukem Forever loksins á leiðinni

Þriðji tölvuleikurinn í Duke Nukem-seríunni, Duke Nukem Forever, kemur á markað á næsta ári. Aðdáendur tölvuleikjarins hafa þurft að bíða í þrettán ár eftir þessari nýju útgáfu. Sýnis-horn af leiknum má sjá á netinu.

Fyrsti Duke Nukem-leikurinn kom út árið 1991 og fylgdi þrívíddar-útgáfa í kjölfarið fimm árum síðar. Tæknin þótti framúrskarandi þá og átti

að gera enn betur með þriðju útgáfunni árið 1998.

Litlu munaði að Duke Nukem Forever liti aldrei dagsins ljós þegar framleiðandinn, 3D Realms, fór á hliðina í fyrra. Fyrirverandi starfsmaður fyrirtækisins tryggði sér útgáfuréttinn í kjölfarið og mun ábyrgur fyrir því að uppfylla væntingar þeirra leikjaunnenda sem muna eftir upphringimótöldum. - job



ESB mundar pennann

Viðræður standa nú yfir um leigu sendinefndar Evrópusambandsins (ESB) hér á landi á húsnæði í miðborg Reykjavíkur. Stefnt mun að því að skrifa undir leigusamning í vikulokin og áætla nefndin að opna upplýsingaskrifstofu fyrir gesti og gangandi sem vilja fræðast um ESB í nýju húsnæði á næsta ári.

Sendinefnd ESB var sett á laggrinnar í desember í fyrra eftir að stjórnvöld lögðu fram umsókn um aðildarviðræður við ESB og tók hún til starfa í byrjun árs. Nefnd-

in er fulltrúi ESB gagnvart stjórnvöldum hér og miðlar upplýsingum til höfuðstöðva ESB í Brussel um afstöðu og hagsmuni Íslands í málum sem snerta samstarf Íslands og ESB.

Hjá sendinefnd ESB eru ellefu starfsmenn og er Timo Summa, sendiherra ESB hér á landi. Skrifstofur nefndarinnar hafa frá upphafi verið í bráðabirgðahúsnæði á hótelinu Radisson 1919 í miðborg Reykjavíkur.

Nefndin hefur frá upphafi viljað vera í miðborginni nálægt stjórn-



MÍÐBORGIN Sendinefnd ESB mun opna skrifstofu í miðbænum. FRÉTTABLAÐIÐ/ANTON

sýslubýggingum og á jarðhæð til að auðvelda aðgengi áhugasamra um ESB. - job

BANKABÓKIN			
Samanburður á vaxtatöflum bankanna	Hæstu innlánsvextir	Yfirdráttarvextir eru hæstir	Yfirdráttarlán fyrirtækja
Arion banki	Markaðsreikningur 3,10% ^A	12,85%	12,50%
Íslandsbanki	Vaxtaþrep 4,05%	13,00%	13,00%
Landsbankinn	Vaxtareikningur 3,90% ^B	13,50%	13,50%
BANKI	MP-1 4,30% ^C	13,00%	11,50 til 13,00%
BYR	PM-reikningur 4,35%	13,95%	13,35 til 14,70%
SPARISJÓÐURINN	Netreikningur 4,60% ^D	13,65%	13,85%
Sjó	Sparnaðarreikningur 3,70%	11,60%	Ekki í boði.

*Miðað er við 250.000 króna innlegg og sem skemmsta bindingu. ^A Bundinn í tíu daga. ^B Bundinn í sjö daga. ^C Bundinn í einn mánuð. ^D Úttektargjald hjá gjaldkera 0,25%
Athugið að ekki er tekið tillit til árgjalds, sem getur fylgt yfirdráttarreikningum.

Kilroy mætir aftur

Kilroy Travel snýr aftur á íslenskan ferðamarkað. Áhrif kreppunnar eru minni í stúdentaferðum, segir forstjórinn.

Óli Kristján Ármannsson
skrifar

Norræna ferðaskrifstofan Kilroy Travel hefur í vikunni innreið sína á ný á íslenskan ferðamarkað. Á morgun verður nýr vefur og þjónusta fyrirtækisins kynnt á veitingastaðnum Faktory.

Starfsemi Kilroy Travels er umtalsverð utan Íslands, mest í Danmörku, Noregi, Finnlandi og í Hollandi. „Og þótt við höfum áður selt hér flugmiða í mörg ár, þá höfum við aldrei sinnt íslenska markaðnum á þann hátt sem við ætlum núna að gera, með vefnum kilroy.is og framboði á margvíslegri þjónustu,“ segir Claus Hejlesen, forstjóri Kilroy Travel.

Hejlesen var staddur hér á landi í síðustu viku vegna stjórnarfundar í fyrirtækinu sem haldinn var hér á landi í fyrsta sinn. „Venjulega hittist stjórnin í Kaupmannahöfn,“ segir hann.

Claus Hejlesen áréttar að þótt fyrirtækið sérhæfi sig í þjónustu við námsmenn og ungt fólk þá kunni sveigjanleiki og nálgun í skipulagningu ferða hjá Kilroy að henta mörgum. „Kannski ekki þeim sem ætla að dvelja á fimm stjörnu hóteli, en ef einhver vill enda bakpokaferðalag um Asíu á slíkri slökun, þá ættum við að geta hjálpað,“ segir hann.

Stúdentaferðir voru í eina tíð aðalþjónusta Kilroy, en nú hefur verið bætt við hana öðrum hlutum. Félagið veitir til dæmis viðtæka námsráðgjöf og ráðleggingu þeim sem hyggja á nám fjarri heimahögum um þá kosti sem í stöðunni eru, mögulega styrki,



CLAUS HEJLESEN Forstjóri Kilroy Travel, fundaði í Reykjavík með stjórn fyrirtækisins fyrir helgi. FRÉTTABLAÐIÐ/PJETUR

atvinnuöguleika að loknu námi og fleiri hluti.

Einhverjum kann að þykja bratt af erlendri ferðaskrifstofu að hefja rekstur á Íslandi í miðri kreppu, en Hejlesen kveður svo ekki vera. „Kreppan hefur ekki jafnmikil áhrif á starfsemi okkar og aðrar ferðaskrifstofur,“ segir hann. Sérhæfing starfsmanna og sú staðreynd að háskólanemar hætta ekki að ferðast þótt að kreppi í hagkerfinu segir hann gera að verkum að fyrirtækið finni minna fyrir sveiflum en aðrir. „Við græðum ekki jafnmikið á uppsveiflunni, en töpum heldur ekki jafnmiklu þegar þrengir að.“

Þá segir forstjóri Kilroy að sökum staðsetningar sinnar njóti Ísland nokkurrar sérstöðu þegar kemur að ferðum ungs fólks. „Þótt íbúatalan sé ekki há þá gerir tíðni ferðalaga og fjöldi þeirra sem stunda nám í útlöndum að landið er á sama stigi og Danmörk í þeim efnum,“ segir hann.

„Íslenskir, danskir og finnskir fjárfestar eiga félagið,“ segir Hejlesen, en fyrirtækið á söguleg tengsl við rekstrarfélög stúdenta á Norðurlöndum og var áður í þeirra eigu. Þannig átti Félagsstofnun stúdenta í eina tíð hlut í félaginu og minnst margir enn Kilroy-ferða hjá Ferðaskrifstofu stúdenta. „Finnsla stúdentasambandið átti lengi meirihluta í félaginu, en tengslin við stúdentasamfélagið teygja sig allt aftur til fimmta áratugarins.“

Félagið Íslensk fjárfesting fer með ráðandi hlut í fyrirtækinu, en stjórnarformaður Kilroy er Arnar Þórisson.

Skattaskýrsla fæðist

„Við erum að leggja loka-hönd á áfangaskýrsluna. Hún verður afhent ráðherra í vikunni,“ segir Marianna Jónasdóttir, fulltrúi Steingríms J. Sigfússonar fjármálaráðherra og formaður starfshóps á vegum fjármálaráðuneytis, sem leggja á fram heildstæðar tillögur að breytingum á skattkerfinu.


Starfshópurinn var settur á laggrinnar seint í apríl og átti að




MARIANNA JÓNASDÓTTIR

skila fyrstu áfangaskýrslu 15. júlí. Erfiðlega gekk að setja saman samráðsnefnd hagsmunaaðila sem vinnur með hópnum og var skilafrestur því framlengdur til 31. ágúst.

Marianna segir samvinnuna hafa skilað miklu og hefur ekki áhyggjur af töfum enda hafi ríkisstjórnin haft öðrum hnöppum að hneppa upp á síðkastið. Lokatillögum á að skila fyrir áramót. - job



Stefnir - Ríkisvixlasjóður.
Góður kostur fyrir einstaklinga og fyrirtæki.



Verðbréfaþjónusta Arion banka er söluaðili sjóða Stefnis.


Kynntu þér sjóðina hjá starfsfólki verðbréfaþjónustu Arion banka í síma 444 7000, í næsta útibúi eða á arionbanki.is/sjodir

- 90% ríkisvixlar og ríkisskuldabréf / 10% innlán
- Vixlar og stutt skuldabréf með ábyrgð íslenska ríkisins. Sjóðnum er heimilt að fjárfesta allt að 10% í innlánnum.
- Litlar sveiflur í ávöxtun og enginn binditími.
- Hentar þeim sem vilja fjárfesta í þrjá mánuði eða lengur.
- Lágmarkskaup 10.000 kr.
- Enginn munur á kaup- og sölugengi.

Hafðu samband
sími 444 7000 • arionbanki.is

Arion banki

//10.09.2010



Haustráðstefna Skýrr 2010

Stærsti viðburður ársins í upplýsingatækni

Föstudaginn 10. september 2010 verður hin árlega Haustráðstefna Skýrr haldin á Hilton Nordica. Þetta er stærsta ráðstefna Skýrr um upplýsingatækni frá upphafi, enda um 60 fyrirlestrar í boði á 8 mismunandi fyrirlestralínum.

Þetta er sextánda árið í röð, sem ráðstefnan er haldin og í ár er gert ráð fyrir metaðsókn, enda sjaldan verið jafn mikil eftirspurn eftir gagnlegri fræðslu um lausnir í upplýsingatækni fyrir atvinnulífið.

Að ráðstefnunni lokinni verður boðið upp á léttar veitingar og tónlistarflutning.

60 fyrirlestrar
á 8 fyrirlestralínum:

Viðskiptagreind

Öryggislausnir

Rekstrarþjónusta

Oracle

Samþætting

Microsoft

Veflausnir

Bland í poka



Lykilræða

James Gosling

faðir Java og fv. þróunarstjóri
Sun og Oracle

Lykilræða

Timo Elliot

trúboði í viðskiptagreind
hjá SAP BusinessObjects



<Haustráðstefna>

SKÝRR

Skráning og dagskrá: skyr.is



SKILANEFND KYNNIR STÖÐUNA Ætla má að uppgjör gömlu bankanna þriggja kosti í kringum tvo milljarða króna á mánuði. Kostnaðurinn kemur til frádráttar því sem kemur í hlut kröfuhafa af eignum bankanna.

MARKAÐURINN/VILHELM

Skilanefndir bankanna sitja á hundruðum milljarða króna

Himinhár kostnaður skilanefnda og slitastjórna gömlu bankanna hefur verið gagnrýndur frá því að bankarnir féllu fyrir tæpum tveimur árum. Tímakaupið hljóðar upp á 30 þúsund krónur á tímann. Rúmur þriðjungur skilar sér í budduna. Ekki hár kostnaður hér, segir formaður skilanefndar Glitnis í samtali við Jón Aðalstein Bergsveinsson.

Skilanefndir og slitastjórna gömlu bankanna hafa verið í kastljósinu allt frá því að þær tóku við stjórn bankanna í gjörningaveðri á alþjóðlegum fjármálamörkuðum í október fyrir tæpum tveimur árum.

Skilanefndirnar voru settar saman í miklu óþagti sem varð í eftirmála yfirtöku Seðlabankans á Glitni í septemberlok. Í samtölum við þær skín í gegn að skilanefndir og starfsfólk þeirra hafi þurft að hafa sig alla við til að halda fjármálakerfinu gangandi og eru til myndrænar frásagnir af því hvernig nefndarmenn unnu myrkranna á milli við að útvega nægt lausafé til að halda greiðsluflæði órofnu án þess að almenningur yrði þess var þegar erlendrar lánalínur lokuðust og bankarnir fóru á hliðina hver á fætur öðrum.

MEÐFERÐ Á PROTABÚI

Við val á skilanefndarfélagi voru sömu viðmið höfð til hliðsjónar og þegar fyrirtæki verður gjaldþrota. Við uppgjör á protabúum eru þeir einir taldir lögum samkvæmt hæfir til að taka slík verk að sér að vera sjálfstætt starfandi. Þeir mega ekki vera starfsmenn þess fyrirtækis sem fór á hliðina. Í þessu tilvikinu máttu þeir ekki vera fyrrverandi starfsmenn bankanna né heldur hjá ríkinu né

Fjármálaeftirlitinu, sem tók þá yfir. Þeir sem tóku við bönkunum á sínum tíma voru ýmist allt lögmenn eða löggiltir endurskoðendur. Þeir reka ýmist sínar eigin stofur sjálfir eða með öðrum.

Vinna skilanefnda og slitastjórna er sú sama og við uppgjör á hefðbundnum protabúum, hvort heldur er verktakafyrirtæki, fasteignasala eða fjármálafyrirtæki. Hlutverk þeirra er að hámarka endurheimtur og gera upp við kröfuhafa.

Árni Tómasson, formaður skilanefndar Glitnis, lýsti því á kynningarfundi um stöðu bankans fyrr á árinu hvernig erlendir fjárfestar flyktust til landsins í þeim tilgangi að verða sér úti um eignir á tombóliverði. Skilanefndir hafi reynt að tryggja að væntingar fjárfestanna yrðu ekki að veruleika.

MILLJARDAFYRIRTÆKI

Samkvæmt síðustu uppgjörum gömlu viðskiptabankanna þriggja námu heildareignir þeirra samtals 3.233 milljörðum króna. Kaupþing er langstærsti bankinn með tæplega 1.600 milljarða króna eignasafn.

Líkt og sjá má á meðfylgjandi töflu vega útlán þungt í eignasöfnunum þeirra. Á eftir fylgja eignahlutir í dótturfélögum og innistæður.

Líkt og fram kom á kröfu-

EFNAHAGSREIKNINGUR GÖMLU BANKANNA (ÁÆTLADAR EIGNIR)

	Glitnir	Kaupþing	Landsbankinn
Útlán til viðskiptavina	192	451	382
Útlán til lánastofnana	51	323	79
Afleiður	42	239	22
Hlutabréf og markaðsbréf	52	241	87
Eignahlutir í dótturfélögum	292	141	2
Sjóðir og innistæður	182	176	269
Aðrar eignir	0	7	2
Heildareignir**	811	1.579	843
Skuldir			
Verðbréfaútgáfa og önnur lán	2.322	151	1.442
Innlán	65	2	1.319
Afleiður	216	136	173
Liðir utan efnahagsreiknings	157	3.345-	187
Aðrar skuldir	20	151	89
Víkjandi lán	184	422	217
Heildarskuldir	2.969	4.207	3.427

* Í milljörðum króna

** Án skuldabréf ríkissjóðs tengt eignafærslu á milli gömlu og nýju bankanna

hafafundi Landsbankans fyrir skömmu mun hann eiga tæpa þrjú hundruð milljarða króna um næstu áramót. Þar af er jafnvirði tæpra hundruð milljarða króna sem losnuðu úr hirslum Englandsbankans, seðlabanka Bretlands, í júlí. Breska fjármálaeft-

irlitið hafði meinað Landsbankann að færa féð úr landi og lá það þar á lágum vöxtum. Tilmælunum var hnekk í júlí og dreifði skilanefnd og slitastjórni Landsbankans því á banka í nokkrum Evrópulöndum til að dreifa áhættunni auk þess að fá hærri vexti á höf-

uðstólinn en í Bretlandi. Nokkrir bankanna eiga kröfur á hendur Landsbankann og varð skilanefnd hans að semja við erlendu bankana í þeim tilgangi að fyrirbyggja að þeir tækju innstæðuna og létu hana ganga upp í kröfur.

Kröfur á Landsbankann nema 3.427 milljörðum króna og er það sambærilegt og hinna bankanna þriggja. Þar af hljóða kröfur fjármálafyrirtækja á hendur Landsbankann upp á 1.442 milljarða króna, eða í kringum þrefalt það lausafé sem bankinn á í dag.

HÁLAUNAFÓLK?

Helsta gagnrýnin gagnvart skilanefndum og slitastjórnnum beinist að launakjörum. Fyrir vikið hafa nefndir og stjórnir gömlu bankanna fengið á sig ýmsa stimpla, verið nefndar ríki í ríkinu, jafnvel sjálfstökufólk eða hin nýja yfirstétt landsins.

Miðað við síðustu uppgjör Glitnis og Landsbankans námu laun skilanefnda og slitastjórna bankanna að meðaltali tæpum 66 milljónum króna á mánuði. Tíu manns sitja í slitastjórnnum Glitnis og Landsbankans. Sé upphæðin brotin frekar niður fær hver þeirra 6,6 milljónir króna á mánuði.

Laun þessara einstaklinga eins og þau birtast í uppgjörum bankanna gömlu segja ekki alla söguna. Líkt og sést á meðfylgjandi töflu eru meðlimir skilanefnda og

Þessi eru í skilaneftum og slitastjórnnum bankanna

SKILANEFT GAMLAR LANDSBANKANS

- Lárentínus Kristjánsson, hestaréttarlögmaður og formaður skilaneftdar. *Lögfræðistofa Reykjavíkur.*
- Einar Jónsson, héraðsdómslögmaður. *Kvasir lögmenn.*



SLITASTJÓRN

- Kristinn Bjarnason, hestaréttarlögmaður. *K&B Lögmennsstofa.*
- Halldór H. Backman, hestaréttarlögmaður. *Lagastofð lögfræðisþjónusta.*
- Herdís Hallmarsdóttir, hestaréttarlögmaður. *Embla lögmenn.*

SKILANEFT KAUPPINGS:

- Steinar Þór Guðgeirsson, hestaréttarlögmaður og formaður skilaneftdar. *Lögfræðistofa Reykjavíkur.*
- Knútur Þórhallsson, löggiltur endurskoðandi.
- Jóhannes Rúnar Jóhannsson, hestaréttarlögmaður. *JP lögmenn.*



- Theodór Sigurbergsson, endurskoðandi.

Slitastjórn

- Ólafur Garðarsson, hestaréttarlögmaður og formaður slitastjórnar. *Lögfræðistofa Reykjavíkur.*
- Davíð B. Gíslason, héraðsdómslögmaður. *Gjaldheimtan.*
- Feldís L. Óskarsdóttir, héraðsdómslögmaður. *Megin lögmennsstofa.*

SKILANEFT GLITNIS

- Árni Tómasson, löggiltur endurskoðandi og formaður skilaneftdar.
- Heimir Haraldsson, löggiltur endurskoðandi.
- Þórdís Bjarnadóttir, héraðsdómslögmaður. *Lögfræðimidstöðin.*

Slitastjórn

- Steinunn Guðbjartsdóttir, hestaréttarlögmaður og formaður slitastjórnar Glitnis. *Megin lögmennsstofa.*
- Páll Eiríksson, héraðsdómslögmaður. *Virtus lögmenn.*



SKILANEFT SPARISJÓÐABANKANS (ÁÐUR ICEBANK)

- Hjördís Edda Harðardóttir, hestaréttarlögmaður og formaður skilaneftdar. *Megin lögmennsstofa.*
- Jón Ármann Guðjónsson, hestaréttarlögmaður. *Kollekta.*

Slitastjórn

- Andri Árnason hestaréttarlögmaður. *Juris Almenna lögfræðistofan.*
- Berglind Svavarsdóttir hestaréttarlögmaður. *REGULA lögmennsstofa (Egilstöðum).*
- Tómas Jónsson hestaréttarlögmaður. *Lögfræðistofa Reykjavíkur.*

SKILANEFT STRAUMS-BURÐARÁSS

- Reynir Vignir, löggiltur endurskoðandi og formaður skilaneftdar.
- Kristinn Freyr Kristinsson, löggiltur endurskoðandi.
- Arna Guðrún Tryggvadóttir, löggiltur endurskoðandi.
- Elín Árnadóttir, héraðsdómslögmaður. *Lögmenn Skógarhlíð 12.*
- Ragnar Þórður Jónsson, héraðsdómslögmaður. *Draupnir lögmennsþjónusta.*

Slitastjórn

- Hörður Felix Harðarson, hestaréttarlögmaður og formaður slitastjórnar. *Mörkin lögmennsstofa.*
- Ragnar H. Hall, hestaréttarlögmaður. *Mörkin lögmennsstofa.*
- Lilja Jónasdóttir, hestaréttarlögmaður. *Lex lögmennsstofa.*

Slitastjórn Sparisjóðs Reykjavíkur og nágrennis (SPRON) og Frjálsa fjárfestingarbankans:

- Hildur Sólveig Pétursdóttir, hestaréttarlögmaður. *Kvasir lögmenn.*
- Hlynur Jónsson, héraðsdómslögmaður. *Kvasir lögmenn.*
- Jóhann Pétursson, héraðsdómslögmaður. *Lögmennsstofa Vestmannaeyja.*

Slitastjórn VBS

- Þorsteinn Ólafs, framkvæmdastjóri slitastjórnar.
- Hróbjartur Jónatansson, hestaréttarlögmaður. *Jónatansson & Co lögfræðistofa.*
- Þórey S. Þórðardóttir, hestaréttarlögmaður. *Lögsetrið.*
- Friðbjörn Björnsson, endurskoðandi

slitastjórna allra banka og fjármálaafyrirtækja sem Fjármálaeftirlitið hefur þurft að taka yfir ýmist hestaréttarlögmenn, héraðsdómslögmenntu eða löggiltir endurskoðendur. Þeir voru nær allir á launaskrá hjá lögfræði- og endurskoðendaskrifstofum þegar þeir voru fengnir til verksins. Sumir þeirra ráku eigin stofur en sumir með öðrum.

VINNA Á TÍMAKAUPI

Kristinn Bjarnason, aðstoðarmaður í greiðslustöðvun Landsbankans, sem jafnframt á sæti í slitastjórn, segir þá sem tekið hafi við rekstri bankanna koma að þeim eins og hverri annarri vinnu. Í tilviki Landsbankans miðist vinna skilaneftdar og slitastjórnar við útselda vinnu lögmanna á klukkustund. „Það tíðkast almennt í gjaldþrotaskiptum og við skiptastjórn að þóknun er tekin fyrir unnar vinnustundir,“ segir hann. Lögmenn haldi tímaskýrslu, gert sé upp á þeim grunni og rukkað í samræmi við það. „Þetta er útseld þjónusta eins og hjá öðrum sérfræðingum,“ segir Kristinn. Á meðal annarrar þjónustu sem fellur undir kostnað skilaneftdar er ýmis önnur sérfræðivinna, svo sem við endurskoðun, rekstur tölvukerfa og fleira.

MEÐ 30 ÞÚSUND Á TÍMANN

Útseld vinna hjá lögfræðingum og endurskoðendum samkvæmt gjaldskrá hleypur á fimmtán til þrjátíu þúsund krónum á tímann. Þeir sem

rætt hefur verið við í tengslum við þessa umfjöllun segja vinnutímann æði misjafnan. Hefðbundinn vinnudagur geti verið allt frá tíu til tólf klukkustundum. Kostnaður við tíu stunda dag miðað við lægsta taxta nemur því um 150 þúsund krónum. Venjulegur reikningur frá lögfræðiskrifstofu viðkomandi fyrir útselda vinnu getur því hljóðað upp á allt frá rúmum þremur milljónum króna til 6,3 milljóna. Síðasttalda upphæðin er í samræmi við meðalkostnað skilaneftdar og slitastjórnar gömlu bankanna á mánuði.

Þegar mest lætur fyrir kröfuhafafundi gömlu bankanna koma langar tarnir sem útheimta mjög langan vinnudag, stundum allt upp undir sextán klukkustundir hvern dag. Það skilar sér eðlilega í hærri reikningi. Miða má við að fyrir hvern reikning upp á eina milljón króna fái viðkomandi í kringum fjögur hundruð þúsund krónur í vasann eftir að virðisaukaskattur, gjöld og kostnaður hefur verið dreginn frá. Miðað við það má ætla að sá sem skili reikningi upp á sex milljónir króna fái 2,5 milljónir í vasann.

Það sama á við skilaneftdar og slitastjórnir og starfsmenn þeirra. Dagar þeirra geta orðið æði langir og eru launin eftir því há. Starfsmenn skilaneftdarinnar eru flestir sérfræðingar á sínu sviði með menntun ýmist í viðskipta- eða hagfræði og endurskoðun. Laun þeirra eru sögð sambærileg og hjá sérfræðingum fjármálaafyr-

irtækja, um og yfir átta hundruð þúsund krónur á mánuði. Allt fer það þó eftir sérhæfingu viðkomandi og starfi hans. Sú vinna sem ekki krefst sérfræðisþekkingar er oftast en ekki keypt af öðrum. Launin eru ekki hærri en svo að til eru dæmi um að starfsmenn skilaneftdanna hafi séð hag sínum betur borgið á öðrum vettvangi og því snúið sér annað.

LÍTID BORGAD HÉR

Launakostnaður Glitnis og Landsbankans á fyrsta fjórðungi ársins nam rúmum 1,3 milljónum króna. Hann fellur mestur á herðar Landsbankans vegna starfsemi hans í Bretlandi en þar hafa jafnan verið greidd mun hærri laun innan fjármálagæirans en hér.

Það sama á við um lögfræðikostnað í tengslum við uppgjör á gjaldþrota fyrirtækjum. Sem dæmi geta þeir sem sjá um uppgjörin átt kost á því að fá hlutfall af innheimtum kröfum að viðbættir útseldri vinnu, svo sem í Bandaríkjunum. Slíkt hefur ekki tíðkast hér.

Árni Tómasson bendir á að kostnaður íslensku skilaneftdanna sé mjög lágur miðað við uppgjör á föllnum bönkum í öðrum löndum. Hann tekur uppgjör bandaríska fjárfestingarbankans Lehman Brothers í Evrópu sem dæmi. Þótt þrotabú bankans úti sé allt að átta sinnum stærra en Glitnis megi ætla að kostnaðurinn þar sé á bilinu tvisvar til þrisvar sinnum hlutfallslega hærri en hér.

KOSTNAÐUR VIÐ REKSTUR KAUPPINGS Í FYRRA *

Kostnaðarliður	Kostnaður*
Launakostnaður og launatengd gjöld	537
Sérfræðikostnaður	3.225
- Innlendir kostnaður	894
- Erlendur kostnaður	2.331
Annar kostnaður	324
Samtals	4.086

* í milljónum króna

KOSTNAÐUR VIÐ REKSTUR LANDSBANKANS Á FYRRI HLUTA ÁRS

Kostnaðarliður	Kostnaður*
Launakostnaður og launatengd gjöld	1.605
Skilaneftnd og slitastjórn	406**
Sérfræðikostnaður	.953
- Innlendir kostnaður	470
- Erlendur kostnaður	2.483
Annar kostnaður	790
Þjónustusamningar	190
Samtals	5.944

* í milljónum króna
** p.m.t. kostnaður við skiptastjóra í Hollandi

KOSTNAÐUR VIÐ REKSTUR GLITNIS Á FYRSTA ÁRSFJÓRÐUNGI *

Kostnaðarliður	Glitnir
Launakostnaður og launatengd gjöld	125
Skilaneftnd og slitastjórn	103
Sérfræðikostnaður	633
Annar kostnaður	39
Þjónustusamningar	132
Samtals	1.032

* í milljónum króna

BETRA VERÐ

Nýherji kynnir verðlækkun á Canon-prenturum fyrir skrifstofuna. Nú er rétti tíminn til að endurnýja tækjakostinn. Afkastamiklir prentarar á frábæru verði.



Prentbúnaður

Canon prentsmiðu- og skrifstofulausnir · Lexmark prentarar · Heidelberg prentsmiðjulausnir

Canon



MF8030CN

Fjölnota litilaserprentari og skanni fyrir minni skrifstofur.
• Skannar beint á minnislykil eða yfir í tölvu
• Innbyggð nettinging

Aðeins **69.900** kr.
Áður 89.900 kr.



LBP6650DN

Fullkominn laserprentari.
• 33 bls. á mínútu með PCL5e/6 stuðningi
• Innbyggð nettinging
• Tvíhliða prentun
• 250 bls. pappírskúffa

Aðeins **64.900** kr.
Áður 84.900 kr.



LBP7750CDN

Afkastamikill litilaserprentari.
• 30 bls. á mín. í lit og 30 bls. í svarthvítu
• PCL5c/6 & UFR II stuðningur
• Innbyggð nettinging
• Tvíhliða prentun

Aðeins **119.900** kr.
Áður 154.900 kr.

NÝHERJI

ÚR FORTÍÐinni



MARKAÐURINN/LÖSMAÐASAFN REYKJAVÍKUR

Síðasti þvotturinn

Margir tengja Laugardalinn við Fjölskyldu- og húsdýrargarðinn, tjaldsvæðið, sundlaugin og líkamsræktarstöð World Class sem þar stendur. Laugardalurinn er nefndur eftir heitum laugum sem húsmæður og vinnukonur í Reykjavík notuðu til að þvo þvotta frá því byggð myndast og fram á fyrstu áratugi síðustu aldar. Hitinn var virkjaður árið 1930 og markar

upphaf hitaveitu í Reykjavík. Við það lagðist þvottur í laugunum af.

Þvottahús var starfrækt í Laugardal fram á miðjan áttunda áratug síðustu aldar. Því var lokað í október árið 1976. Hér má sjá þvottavélar fyrir utan þvottahúsið eftir að starfsemin var lögð af. Síðar fengu kraftlyftingamenn húsið til afnota og nefndist það Jakaból.

Vill framleiðsluna í hendur fólksins

„Von mín er að draga fram hugmyndir um það hvernig valddreifing í samfélaginu er háð stjórnun á framleiðslugetu og vekja fólk til umhugsunar um það hvernig við getum komið henni í hendur almennings,“ segir Smári McCarthy, einn stofnenda og ritari Félags um stafrænt frelsi á Íslandi.

Smári er einn frummælenda á norrænu ráðstefnunni FSCONS 2010, sem haldin verður í Gautaborg í Svíþjóð í nóvember. Þetta er árleg ráðstefna um frjálst samfélag í víðustu merkingu orðsins.

Á ráðstefnunni ægir saman fyrirlesurum um hugbúnað, vélbúnað, lögfræði, mannfræði, stjórnmál og menningu.

Þetta verður í þriðja skiptið sem Smári flytur erindi á ráðstefnunni. Hann segir innleggið sjálfstætt framhald fyrri ára. „Það hefur verið þema hjá mér að benda



TALAR FYRIR FRELSI Frjálst samfélag getur reynt að færa hlutina til betri vegar, að sögn Smára McCarthy. MARKAÐURINN/GVA

á galla í iðnaðarlíkaninu sem við búum við og tengja þá galla við lýðræðisfyrirkomulagið, ástandið í heiminum, og það hvernig frjálst samfélag getur reynt að færa hluti til betri vegar,“ segir hann. -jab

Hvaða félag er FSFÍ?

Félag um stafrænt frelsi á Íslandi, FSFÍ, var stofnað 16. febrúar 2008. Markmið félagsins er að vera regnhlíf og lagaleg stoð fyrir stafrænt frelsi í öllu formi á Íslandi, ásamt því að standa fyrir kynningu og útbreiðslu á hugmyndum um stafrænt frelsi, sérstaklega frjálsan hugbúnað, frjálsan vélbúnað og frjálst samfélag. Julian Assange, stofnandi lekasíðunnar Wikileaks, var gestur á ráðstefnu félagsins í desember í fyrra. Lekasíðan var þá helst þekkt hér á landi fyrir að birta afrit af lánabók Kaupþings sem kynnt hafði verið stjórnendum bankans skömmu fyrir fall hans. Julian og samstarfsmenn hans hafa líkt og forsvarsmenn FSFÍ talað fyrir frjálsu og opnu samfélagi.

Skattahneyksli í uppsiglingu

Stærsta skattahneyksli í sögu Danmerkur er líklega í uppsiglingu. Upphæðin nemur 1.000 milljörðum danskra króna eða yfir 20.000 milljörðum íslenskra króna.

Samkvæmt fréttum danskra fjölmiðla hafa dönsk fyrirtæki og einstaklingar flutt 1.000 milljarða danskra króna til og frá 55 skattaskjólum víðs vegar um heiminn á undanföllum fimm árum.

Troels Lund Poulsen, skattamálaráðherra Dana, segir að hann hafi fengið áfall þegar hann sá upplýsingarnar frá skattinum og segir að málið gæti orðið stærsta skattahneyksli í sögu landsins.



KAUPMANNAHÖFN Þúsundir milljarða danskra króna hafa verið fluttar í skattaskjól. NORDICPHOTOS/GETTY

Bæði Poulsen og skatturinn taka þó fram að ekki sé endilega um skattaflotta að ræða þótt fé sé fært frá Danmörku til stada á borð við Cayman-eyjar og Bahama. -fri



GÖNGUM SAMAN Íslendingar verða að stefna að sameiginlegu markmiði til að koma landinu upp úr kreppunni. Mikilvægt er að styðja við uppbyggingu nýrra geira hér, segir prófessor Seiichiro Yonekura. FRÉTTABLAÐIÐ/ANTON

Vill landið úr höndum hagsmunahópa

Stjórnvöld eiga að nýta kreppuna og byggja upp nýjan iðnað.

Draga á úr stuðningi við landbúnað, sjávarútveg og áliðnað. Þrátt fyrir áherslu á ferðaþjónustu má ganga enn lengra, að sögn Seiichiro Yonekura, forstöðumanns í nýsköpunarfræðum við Hitotsubashi-háskólann í Japan.

Gera verður landið að einu kjördæmi og færa ákvarðanavald frá sveitarstjórnunum til stjórnvalda. Það styður betur við nýsköpun. Þá eiga stjórnvöld að móta stefnu til framtíðar og velja hvaða geira skuli styðja við. Kreppan er tilvalið augnablik til mikilvægra sviptinga, jákvæðra breytinga. Þetta segir dr. Seiichiro Yonekura, forstöðumaður rannsóknamiðstöðvar í nýsköpunarfræðum við Hitotsubashi-háskólann í Tókýó. Hann mælir með því að dregið verði úr stuðningi við landbúnað, uppbyggingu í áliðnaði og stuðningi við sjávarútveg. Það hafi verið gert nógu lengi. Snúa verði við blaðinu og láta fyrirtæki í þessum geira standa á eigin fótum, þau geti aðlagast.

Yonekura flutti erindi í síðustu viku á morgunverðarfundi Viðskiptaráðs Íslands, Sendiráðs Japans á Íslandi, Háskólans í Reykjavík og japanskra fræða við Háskóla Íslands þar sem hann fjallaði um uppbyggingu nýrra atvinnuvega.

VELJIÐ SIGURVEGARA

Yonekura sagði í samtali við Fréttablaðið Japan hafa verið í rúst í kjölfar seinni heimsstyrjaldarinnar. Yoshida Shigeru, forsætisráðherra Japans árin 1946 til 1947, hafi sett á laggirn-

Vill sjá rafbíla á götunum



SEIICHIRO YONEKURA

Heimsókn prófessors Yonekura hingað til lands nú var hans önnur á einu ári. Hingað kom hann einnig í febrúar síðastliðnum. Á sama tíma var hann á fyrirlestraferð á hinum Norðurlöndunum. Í heimsókninni nú komu eiginkona og börn Yonekura með honum. Prófessorinn segir að þótt ferðamennska sé í kastljósi stjórnvalda um þessar mundir sé ekki gengið nógu langt. Hann nefnir að fjölskyldan hafi í ferð sinni nú ætlað að fara í Bláa lónið en gengið illa að finna það þar sem skilti vantaði sem beini ferðamönnum á réttan stað. Þá hafi hann fetað í fótspor flestra ferðamanna sem hingað komi og skoðað Þingvelli, Geysi og Gullfoss. Yonekura og fjölskylda voru á eigin vegum og segir hann að sökum skiltaleysis hafi þau í þriggungu villst af leið. Prófessor Yonekura mælir með að vegvísar verði bættir og að þjóðin sýni umhverfisstefnu í verki, svo sem með því að greiða fyrir því að fjölga hér raf- og metanknúnum bílum.

ar nefnd sérfræðinga sem hafi ákveðið að leggja áherslu á uppbyggingu atvinnulífsins. Ekki hafi verið byggt á þeim þáttum sem fyrir voru, svo sem landbúnaði, heldur ákveðið að leggja áherslu á stáliðnað, kolavinnslu, skipasmíði og uppbyggingu í efnaiðnaði. Þessir geirar hafi stutt hver við annan og til dæmis bílaframleiðsla spröttið upp úr því. Þá hafi efnaiðnaðurinn stutt við matvælaframleiðslu og landið orðið sjálfbærara. Það sama hafi verið gert í öðrum Asíuríkjum eftir fjármálakreppuna, svo sem í Suður-Kóreu en þar var byggður upp hátæknigeiri og kraftur settur í bílaframleiðslu. Með þessu móti hafi stjórnvöld valið sigurvegara, þá geira sem áttu að standa upp úr.

Yonekura segir Japana hafa gengið í takt eftir seinni heimsstyrjöld og landið því risið fljótt úr rústunum. Öðru máli gegni hér. „Þið eruð aðeins um 320 þúsund og skortir samstöðu. Það er ótrúlegt,“ segir Yonekura og bendir á að Íslendingar séu álíka margir og starfsmenn í alþjóðlegu fyrirtæki. Þar geti allir stefnt að sama marki.

BLAÐINU SNÚIÐ VIÐ Í KREPPU

Yonekura segir mikilvægt að

nýta kreppuna til að leggja áherslu á uppbyggingu nýs iðnaðar hér á landi, svo sem í umhverfistækni. Hann vill sjá hér grænna samfélag í verki, svo sem fleiri raf- og metanbíla og þjónustu við þá auk bættrar endurvinnslu og aukins næmis fyrir umhverfi og náttúru. Þessir þættir tengjast allir ferðamennsku og þjónustu nánnum böndum.

Hann segir erfitt að geta sér til um ástæðu þess að hér þokist lítið í þessa átt en telur ekki útilokað að það skýrist af því að alþingismenn og aðrir sem stjórni landinu séu fáir með sérfræðimenntun. Að baki þeim standi sérhagsmunahópar, sem togi hver í sína áttina. Það skili sér í því að þjóðin gangi ekki í takt og virðist fremur spóla í sama farinu en ganga inn í framtíðina, jafnvel verða fyrirmynd og virkur þátttakandi í alþjóðasamfélaginu. „Þið verðið að láta sérfræðinga móta framtíðarstefnuna, ekki leikmenn, sem hafa ekki þekkingu til þess, eða hagsmunahópa. Í nútímanum er þetta spurning um að snæða eða verða snæddur. Ég er hræddur um að þið eigið á hættu að falla í seinni hópinn,“ segir hann.

Better than BI – Smarter than spreadsheets



FRUMSÝNING Á ÍSLANDI

Fimmtudaginn 16. september kl. 8.40-11 á Hótel Loftleiðum.

Komdu og kynntu þér hvernig Spotfire beitir nýjustu tækni í greiningarlausnum til að ...

- ... stórauka möguleika notenda til að nálgast sjálfir tafarlaust þau gögn sem þeir þurfa og greina þau að vild með einföldum hætti
- ... setja upplýsingar fram á frábærlega skýran og lifandi hátt með lágmarksfyrirhöfn
- ... stytta innleiðingartíma greiningarlausna úr mörgum vikum í nokkrar klukkustundir

Spotfire hugbúnaðurinn tilheyrir nýrri kynslóð stjórnendalausna, svonefndum "in-memory analytics" lausnum. Styrkur Spotfire liggur í því að í stað flókinnna útfærslna í miðlægum gagnavörðum er flokkunar- og reiknivirknin flutt til notendanna sjálfra.

Kostnaður við innleiðingu og viðhald slíkra lausna er allt að sexfalt lægri en ef um hefðbundnar teningalausnir er að ræða. Notagildið er mikið þar sem stjórnendur geta á einfaldan hátt sett upp eigin mælaborð, skýrslur og greiningar án aðkomu hugbúnaðarsérfræðinga.

Kynningin stendur frá kl 9.00 til 11.00, en boðið er upp á morgunverð frá kl. 8.40.

Sérfræðingar frá Spotfire, Arjen Bruggemann og Tomi Syrja, kynna Spotfire greiningarlausnirnar. Sýnd verða dæmi um notkun lausnanna og að lokum verða umræður.

Frekari upplýsingar og skráning á www.sjonarrond.is

Ath. takmarkaður sætafjöldi.

SJÓNARRÖND



BANKAÓLFID

Ríkið keppir við sjálft sig

Endurreisn sparisjóðanna hefur tafist von úr viti. Lítið hefur gerst frá því sex sparisjóðir óskuðu eftir eiginjárframlagi frá ríkinu á grundvelli neyðarlaganna til að bæta brunagöt í bókhaldinu í fyrravor að því undanskildu að ríkið tók Byr og Sparisjóðinn í Keflavík yfir. Sparisjóður Norðfjarðar fékk ríkisframlag fyrir mánuði og flaggar hann þeim titli einn að hafa sótt fé í ríkisvasann. Helsti vandi ríkisins er sagður sá að þótt sparisjóðirnir á landsbyggðinni hafi mikilvægu hlutverki að gegna þá láni þeir nær allir til sömu aðila og Bygðastofnun, sem ríkið hefur mokað fé í um árabil. Ríkið sé í klípu, enda sé það komið í keppni við sjálft sig ákveði það að setja fé í sparisjóðina úti á landi.

Rykið dustað af Þjóðhagsstofnun

Á meðal þeirra hugmynda sem ríkisstjórnin hefur nú formlega til skoðunar er endurstofnun Þjóðhagsstofnunar. Það þykir löngu tímabær endurlífgunaradgerð, eins og Þórólfur Matthíasson, prófessor í hagfræði við Háskóla Íslands, benti á í erindi um lærdóminn af bankahruninu í apríl. Þar sagði hann mikilvægt að ein stofnun mæti áhrif hins opinbera á hagkerfið. Slíku hafi ekki verið til að dreifa í uppsveiflunni, með þekktum afleiðingum. Þjóðhagsstofnun var sett á laggirnar árið 1974 og veitti ríkisstjórn og Alþingi ráðgjöf í efnahagsmálum. Efnahagsspar hennar rímuðu hins vegar illa við spár ríkisstjórnarinnar undir lokin. Hún var lögð niður í forsætisráðherratið Davíðs Oddssonar árið 2001 og verkefni hennar færð til Hagstofunnar og ráðuneyta.



Ekki kveikja tvisvar í húsinu!

Í kringum þjóðveldistímann tíðkaðist að yrðu menn fyrir bruna bættu bændur í sama hreppi viðkomandi tapið. Ef aftur vildi svo óheppilega til að eldur kom upp hjá sama bónda lækkuðu batur frá samverjunum hressilega. Skilaboðin voru vitanlega þau að sá sem lenti tvisvar í eldsvoða átti að læra af mistökum sínum og bæta ráð sitt. Segja má að ríkið sé hér í hlutverki þjóðveldisbóndans, sem virðist vera að læra af mistökum sínum og íhugi nú að setja upp brunavarnir í formi Þjóðhagsstofnunar. Líkt og tilhneiging er hér á skerinu virðist hins vegar sem hrun hafi þurft til að ríkið fyndi hjá sér þörf til að setja upp varnir.

44 milljónir er upphæðin sem verslað var fyrir með hlutabréf í ágúst.

26 fasteignir voru seldar á Akureyri í ágúst.

193.500 gistinaetur voru keyptar á íslenskum hótélum í júlí.

Rýmingarsala

rýmum fyrir nýjum vörum



Tilboð 79.900,-
Fullt verð 108.600,-

Kirsuber



Tilboð 49.900,-
Fullt verð 66.900,-



Tilboð 74.340,-
Fullt verð 123.900,-



Tilboð 30.780,-
Fullt verð 51.300,-



Tilboð 39.300,-
Fullt verð 78.600,-



Tilboð 100.380,-
Fullt verð 143.400,-

Hirzlan

Smiðsbúð 6, 210 Garðabæ, Sími 564 5040

www.hirzlan.is

SAMSUNG R530-JT01SE

SAMSUNG GLÆSILEG FARTÖLVA

- 15,6" LED HD 1366 x 768
- Intel® Core i3 330M
- Nvidia GF 310M 512Gb skjákort
- 4Gb DDR3
- 500Gb 5400rpm SATA
- DVD-RW Super Multi Layer DVD skrifari
- 1.3 Mpixel vefmyndavél
- Windows 7 Home Premium

VERÐ: 149.900,-

FRAMÚRSKARANDI GÆÐI • FJÁRFESTING TIL FRAMTÍÐAR

SAMSUNG ML-2525

NÝR LASER-PRENTARI

- Prenthraði: 24 bl./mín.
- Fyrsta blaðsíða út: 10 sek.
- Upplausn: 1200x600dpi
- Pappirsbakki inn: 250 blöð
- Pappirsbakki út: 80 blöð
- Stuðningur: Windows, Mac OS og Linux
- Tenging: USB

VERÐ: 33.900,-

SAMSUNG ML-1660

LASER-PRENTARI

- Prenthraði: 16 bl./mín.
- Fyrsta blaðsíða út: 8,5 sek.
- Upplausn: 1200x600dpi
- Pappirsbakki inn: 150 blöð
- Pappirsbakki út: 100 blöð
- Stuðningur: Windows, Mac OS og Linux
- Tenging: USB

VERÐ: 23.900,-

ORMSSON

SKRIFSTOFUVÖRUR • SÍÐUMÚLA 9 • SÍMI 530 2800